

x.

Pactes de mariage pontiér, mariette

Au nom de dieu soict aujour'huy
dixiesme du mois dé **may an mil six cens cinquante
quatre** avant midy regnant nostre souverain et
tres chrestien prince louis quatorse du nom par la
grace de dieu roy de france et dé navarre dans
la ville de **villémur** au diocese bas montauban
et seneschaucée dé th(ou)l(ous)e pardevant moi notaire
soubzsigné et presans les tesmoingz bas nommés
personnellément establis **jéan pontiér
fils a feu anthoine natif** du masage **de saint
pierre** consulat dé **confoléaux** (*lire Couffouleux*) proche la ville
dé **rabastens** en albigeois maistre **fouleur de
drapz** residant audit **villemur** d'une part
et **anne mariette jeune filhe a deffunt helie
mariette & jean mariette marchand** residant
audit **rabasténs frere et soeur** acistés
et conseilhés d **honeste femme gabrielle
riviere vefve** dudict **helie mariette leur mere**
et de plusieurs leurs proches paréns et
amis tesmoingz én cé contract d'autre

.....
Clvi.

lesquelles parties de gré sur lé mariage
traicte entre lesdictz pontiér et anne mariette
qué moienant la grace de dieu s accomplira
ont faictz et passés les pactes suivans
en premiér lieu que lesdictz pontiér et
mariette seront conjointz en mariage et
celebreront icelluy en face de l esglise **catholique**
apostolique et romaine dont ils font proffession
a la premiere requisition de l'une des parties
les bans publiés et legitime empechemant
cessant a faveur et contemplation duquel
mariagé et pour aidér a supportér les charges
d icelluy le susdict jéan mariette a donné
et constitué donne et constitue en dot et verquiere
a la dicte anne sa soeur et par consequand
audit pontier fucteurs mariés scavoir est
la somme de trois cens livres t(ournoi)z un lict
concostant en coitee coissin remplis suffisamant
de plume quatre linséuls poil de brin et
une couverte layne blanche tant pour tous
les droictz qué ladicte anné mariette péut
avoir et prestendre sur tous et chacungz

.....
les biens et droicts delaisés par lé susdict
feu helie mariette leur pere commun lors
du decés d icelluy duquel ledict jean est
heretier universsél qué pour tous les droicts
generallemant quelconques que ladicte mariette
peut avoir pareilhémant et prethendre sur les
biens et droictz de ladicte riviere sa mere
ausquels par cé moyén ledict jean marietté
constituant est et dem(e)ure subrogé par lesdictz
fucteurs mariés pour en pouvoir jouir faire
et disposer a ses plaisirs et volontés paiable
ladicte constitution scavoir cent cinquante
livres lict linseuls et couverte le jour dés
espousailles et les autres cent cinquante
livres restans dans un an prochain accomptér
dés huy sans intherest & receue qué lad(ite)
constitution soict par ledict pontier icelluy sera
tenu de la reconnoistre et assignér ainsy que
dors et desja partant qu est de besoing par
vertu dé cé contract la reconnoist et assigne
a ladicte mariette sa fucteure espouse sur tous

.....
Clvii.

et chacungz ses biens presans et advenir
pour luy estre randue et restituée lé cas
y escheant avec lé droict d augment quy est
moityé moins des sommes de deniers
suivant les uz et coutumes dud(it) villemur
selon lesquelles les parties declarént faire
les presans pactes et entendre estre telles
assavoir que la femme decedant plustost
que lé mary icelluy dem(e)ure jouissant
pendant sa vie dés cas dottaux de la femme
et() par le contraire lé mary predecédant a la femme
icelle a option dé repettér sa dot avec ledict droict
daugment duquel l augment ele dem(e)ure
jouissante aussy durant sa vie ou bien en
laissant l ung et l autre de prandre pension
et entretien sur les biens du mary tant que
vist viduéllemant et honnestemant soubz
son vefvage selon sa qualitté et portée desd(its)
biens & outré cé luy appartiennént toutes
ses robes bagues et joyaux se trouvant
lors en nature d ou qu iceux luy ayént este

.....
donnés et a tenir et gardér ce dessus

ainsy promis et stipulé parties icelles
ont respectivement obligés tous leurs biens
presans et advenir mesmes lesdictz fucteurs
expoux leurs personnes pour l accomplissement
dudict mariage qu ont soubzmis aux rigueurs
de justice avec les renon(ciations) requises et l ont
jure a dieu par seremant présans **pierre
cailhassou du lieu du born jean esquiér troisième
consul jean alegré maistre cordonnier
beaux freres jean marietté fils a feu david
cousin de lad(ite) expouse jean cailhassou**
mar(ch)ant du lieu du born et gabriel malpel pra(tici)en
de villemur et plusieurs autres paréns et amis
desd(ites) parties signes ceux quy scavent et moi no(tai)re

Mariette J. Cailhassou

Esquie Malpel, p(rese)nt

Custos, not(air)e r(oyal)